



Na temelju odredbi člana 143., a u vezi sa članom 146. stav (3) Zakona o srednjem obrazovanju Kantona Sarajevo („Službene novine Kantona Sarajevo“ broj: 23/17, 30/19, 33/21), u skladu sa članom 7. Pravilnika o izboru, kriterijima za izbor, nadležnostima i radu direktora srednjih škola u Kantonu Sarajevo („Službene novine Kantona Sarajevo“ broj: 46/18), na osnovu člana 136. Pravila Javne ustanove Srednje škole primijenjenih umjetnosti Sarajevo i Odluke Školskog odbora broj: 02 - 40/22 od 09. 02. 2022. godine, Javna ustanova Srednja škola primijenjenih umjetnosti Sarajevo raspisuje

JAVNI KONKURS

za izbor direktora/ice

Javne ustanove Srednja škola primijenjenih umjetnosti Sarajevo

Javni konkurs za izbor direktora/ice Javne ustanove Srednja škole primijenjenih umjetnosti Sarajevo raspisuje se na mandantni period od četiri (4) godine.

I USLOVI ZA IZBOR

Kandidat za direktora dužan je ispunjavati sljedeće uslove:

1. Opći uslovi:

- a) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (na nivou države, entiteta ili kantona) u periodu od tri godine prije dana prijavljivanja na Javni konkurs,
- b) da se na njega ne odnosi odredba člana IX 1. Ustava Bosne i Hercegovine,
- c) da nije osuđivan za krivično djelo i za privredni prestup nespojiv s obavljanjem dužnosti direktora škole,
- d) da nema privatni finansijski interes u školi u kojoj se kandiduje za direktora.

2. Posebni uslovi:

- a) da u pogledu stručne spreme ispunjava uslove za nastavnika ili pedagoga u školi,
- b) da ima najmanje 8 (osam) godina radnog iskustva i od toga najmanje 5 (pet) godina na poslovima u nastavi ili na pedagoško-psihološkim poslovima u stepenu stručne spreme koja se traži za predmetno radno mjesto,
- c) da ima najmanje VII stepen stručne spreme, odnosno završen najmanje II ciklus bolonjskog visokoobrazovnog procesa,
- d) da ima najmanje stečeno stručno zvanje mentora.

Za direktora ne može biti imenovano:

- a) lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine Zakona o ministarskim, vladinim i drugim imenovanjima Federacije Bosne i Hercegovine,

- b) lice za koje se odgovarajućom medicinskom procedurom utvrdi da je alkoholičar, odnosno ovisnik o narkoticima,
- c) lice za koje se odgovarajućom medicinskom procedurom utvrdi da boluje od zarazne ili duševne bolesti,
- d) lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više.

II SADRŽAJ PRIJAVE

Uz prijavu na konkurs, kandidati su dužni dostaviti original ili ovjerene kopije sljedeće dokumentacije:

1. Svojeručno potpisanu prijavu na javni konkurs sa kontakt podacima i tačno navedenom dokumentacijom koja se prilaže uz prijavu na javni konkurs;
2. Biografiju;
3. Diplomu o stečenoj stručnoj spremi;
4. Uvjerenje o položenom stručnom ispitu;
5. Izvod iz matične knjige rođenih;
6. Uvjerenje o državljanstvu (ne starije od 6 mjeseci);
7. Dokaz o stečenom stručnom zvanju;
8. Dokaz o radnom iskustvu koje podrazumijeva rad u nastavi sa VII stepenom stručne spreme, odnosno završenim II ciklusom bolonjskog visokoobrazovnog procesa (uvjerenje/potvrda o radnom stažu i uvjerenje sa šifrom zanimanja koje izdaje fond za penzijsko-invalidsko osiguranje ili uvjerenje/potvrda o ostvarenom radnom stažu kod poslodavca kod kojeg je kandidat radio sa tačno naznačenim poslovima, radnim zadacima, te godinama i mjesecima radnog staža);
9. Uvjerenje da nije osuđivan za krivično djelo i za privredni prestup;
10. Uvjerenje da protiv kandidata nije potvrđena optužnica ili izrečena pravosnažna presuda ili mjera za jedno ili više krivičnih djela za koje se odredbama važećeg Krivičnog zakona u Federaciji Bosne i Hercegovine može izreći kazna zatvora u trajanju od 3 mjeseca i više (ne starije od 3 mjeseca);
11. Izjava kandidata da nije obuhvaćen odredbama člana IX 1. Ustava Bosne i Hercegovine, ovjerena od strane nadležnog organa;
12. Izjava kandidata da u posljednje tri godine, prije dana objavljivanja ovog Javnog konkursa, nije otpuštan iz organa državne službe kao rezultat disciplinske mjere na bilo kojem nivou vlasti u Bosni i Hercegovini, ovjerena od strane nadležnog organa;
13. Izjava kandidata da nema privatni finansijski interes u Javnoj ustanovi Srednja škola primijenjenih umjetnosti Sarajevo, ovjerena od strane nadležnog organa;
14. Izjava kandidata da nema smetnji za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine i Zakonom o ministarskim, vladinim i drugim imenovanjima u Federaciji Bosne i Hercegovine, ovjerena od strane nadležnog organa;
15. Pisani razvojni plan i program Javne ustanove Srednja škola škola primijenjenih umjetnosti Sarajevo.

III DOSTAVA PRIJAVE I DOKAZA O ISPUNJENOSTI USLOVA

Prijavu sa dokazima kandidati dostavljaju putem pošte prepuručeno na adresu: JU Srednja škola primijenjenih umjetnosti Sarajevo, ulica Gimnazijska broj 11, 71000 Sarajevo, ili lično u Sekretarijatu Škole, u zatvorenoj kovrti sa naznakom: „Prijava na javni konkurs za izbor direktora – NE OTVARAJ – (otvara Školski odbor)“.

Nepotpune i neblagovremene prijave neće se uzeti u razmatranje.

IV NAČIN I ROK OBAVJEŠTAVANJA

O rezultatima konkursa kandidati će biti obaviješteni nakon provedenog postupka imenovanja, pisano, putem pošte, na adresu navedenu u prijavi, u roku od 8 (osam) dana od dana donošenja odluke o imenovanju direktora.

V KONKURSNI ROK

Javni konkurs ostaje otvoren petnaest (15) dana od dana objavljivanja u dnevnim novinama.

Javni konkurs će biti objavljen u dnevnom listu “ AVAZ ” dana 16.02. 2022. godine i na web-stranici Ministarstva za odgoj i obrazovanje Kantona Sarajevo, te ostaje otvoren zaključno sa danom 03. 03. 2022. godine.

NAPOMENA:

Kriteriji, procedure, uslovi, način izbora i imenovanja direktora po ovom Javnom konkursu, utvrđeni su odredbama Pravilnika o izboru, kriterijima za izbor, nadležnostima i radu direktora srednjih škola (“Službene novine Kantona Sarajevo” broj: 46/18).

Direktora imenuje i razrješava Školski odbor Javne ustanove Srednja škola primijenjenih umjetnosti Sarajevo uz saglasnost Vlade Kantona Sarajevo, na period od 4 (četiri) godine, sa mogućnošću ponovnog izbora, uz ograničenje od najviše dva uzastopna mandata u istoj školi.

Izabrani kandidat će ljekarsko uvjerenje (ne starije od šest mjeseci) i ovjerenu izjavu kod nadležnog organa da ispunjava uslove utvrđene članom 146. stav 12. tačke a) i b) Zakona o srednjem obrazovanju („Službene novine Kantona Sarajevo“ broj: 23/17; 30/19; 33/21) biti obavezan dostaviti po izboru, a prije imenovanja na funkciju direktora ove Javne ustanove.

Izrazi koji se koriste u ovom Konkursu, a imaju rodno značenje, odnose se jednako na muški i na ženski rod.